





P1-6

鍾山之神名曰燭陰

燭龍也是燭九陰因名云

視爲晝瞑爲夜

吹爲冬呼爲夏不飲不食不息息爲風

息氣也

身長

千里在無脊之東其爲物人面蛇身赤色居鍾山

淮南子曰龍身一尺

日升晝日沉夜莫可易也而曰視爲晝瞑爲夜

乎凡氣之升降乃道之屈伸也故氣升則爲春

爲夏及其降則爲秋爲冬而曰吹爲冬呼爲夏

乎夫旣以其身長千里而又以爲居鍾山下無

乃不倫甚乎

一目國在其東一目中其面而居一曰有手足
凡物之反戾異常乃其感于氣而成此所謂一
目國是也然聖人知有中和而已故中和致則
位育易所謂範圍而曲成也

柔利國在一目東為人一手一足反膝曲足居上
一脚一手 一云留利之國人足反折 反卷曲也

手足備而成人今若此柔利難乎其為國矣
共工之臣曰相柳氏共工霸九州者九首以食于九山各頭
自食一山之物相柳之所抵厥音擬抵觸為澤谿
言食其難饜

禹殺相柳其血腥不可以樹五穀種禹厥之三仞
三沮掘賽之而上二三沮乃以為眾帝之臺言地

唯可積上在崑崙之北此崑崙山在海外者柔利之東相柳
者九首人面蛇身而青不敢北射畏共工之臺臺
在其東臺四方隅有一蛇虎色首衝南方衝猶

相柳若是怪與既九首而食九山又人面而蛇
身以青果有是也禹殺之宜也其或妄也眾帝
之臺何為築也

深目國在其東為人舉一手一目一作在共工臺

東無腸之國在深目東

一作南

其為人長而無腸

為人

長大腹內無腸所食之物直通過

有形無腸元氣龐也

聶耳之國在無腸國東使兩文虎為人兩手聶其

耳

言耳長形則以手撮持之也

縣居海水中

縣猶及水所出入

奇物

言盡規有之 兩虎在其東

夸父與日逐走入日

言及日子將入也

渴欲得飲飲于河

渭河渭不足北飲大澤未至道渴而死棄其杖化

為鄧林

夸父者蓋神人之名也其能及日景而傾可渭豈以走飲哉寄用于走飲耳幾乎不

疾而速不行而至者矣此以一體為萬殊存亡代謝寄鄧林而遯形惡得尋其靈化哉

夸父逐日猶精衛填海喻人之不自量可也而

以為誠有是則誤矣

博父國在聶耳東其為人大右手操青蛇左手操

黃蛇鄧林在其東二樹木一曰博父禹所積石之

山在其東河水所入

河出崑崙而潛行地下至葱嶺復出注鹽澤從鹽澤復行

南出于此山而為中國河遂致海也書曰導河積石言時有壅塞故導利以通之

兩手操蛇握化機也木青土黃其象著也故觀

物必以理形末矣

言其一人常以一手持
拘纓之國在其東一手把纓

瘦 一曰利纓之國尋木長千里在拘纓南生河上

西北跂踵國在拘纓東其為人大兩足亦大其人行

跟不着地也孝經鈞命訣 一曰大踵

人大則其足有不俟論矣

歐絲之野在大踵東一女子跪據樹歐絲言歐桑而吐絲

蓋蠶類也 三桑無枝在歐絲東其木長百仞無枝言皆長百

也

據樹歐絲肇蠶也三桑無枝女工塞也問西陵

氏知盆手也

范林方三百里在三桑東洲環其下洲水中可居者環繞也

務隅之山帝顓頊葬于陽顓頊號為高陽冢今在濮陽故帝丘也一曰頊

丘縣城門外 九嬪葬于陰嬪婦 一曰爰有熊羆文虎

離朱鷓久視肉

顓頊繼遷帝丘今吾澶東郭也郭氏以為廣陽

里中豈即自離朱而下皆異獸或以為殉

葬之具或以為刺侈

平丘在三桑東爰有遺玉遺王玉石 青鳥視肉楊柳甘

粗其樹枝幹皆赤黃華白葉黑實呂甘華亦赤枝

百果所生在兩山夾上谷二大丘居中名曰平丘

海外百果將焉用之

北海內有獸其狀如馬名曰駒駼音陶塗見爾雅有獸焉

其名曰駮狀如白馬鋸牙食虎豹周書曰義渠茲

鋸牙食虎豹按此有素獸焉狀如馬名曰蝻蝻蝻即

二說與爾雅同有青獸焉狀如虎名曰羅羅蝻鋸虛也一走百

篇以海外又曰海內將合內外而一之與夫珍

禽奇獸不育于國召公所以戒武王也蝻蝻羅

羅果安用邪

北方禺疆人面鳥身珥兩青蛇踐兩青蛇字玄宜水神也

莊周曰禺疆立于北極一曰禺京一本云北方禺疆黑身手足乘兩龍

禺疆玄冥水神也珥踐青蛇水生木也其自然

之氣乎

山海經釋義卷之八

山海經釋義卷之九

海外東經第九

海外自東南陬至東北陬者

蹇音嗟或作髮丘爰有遺玉青馬視肉楊柳甘組甘華

甘果所生在東海兩山夾丘山有樹木一曰嗟丘

一曰百果所在在堯葬東

既曰楊柳甘祖不當又言有樹木

大人國在其北為人大坐而削船一曰在蹇丘北

在其北在蹇丘北也坐而削船言其大也

奢比之尸在其北亦神名也獸身人面大耳珥兩青蛇

珥以蛇貫耳也音鈞餌之餌一曰肝榆之尸在大人北

夫青蛇以象木也類也既曰奢北而又曰肝榆

肝亦木屬

君子國在其北衣冠帶劔食獸使二大虎在旁其

人好讓不爭有薰或作董華草朝生夕死一曰在肝

榆之尸北

衣冠帶劔者飾也讓而不爭德也夫氣始東方

海外有此天地使然也可以中夏而不如夷乎

重垂音虹在其北各有兩首虹螭也一曰在君子國北

朝陽之谷神曰天吳是為水伯在垂垂北兩水間

其為獸也八首人面八足八尾皆青黃大荒東經東十尾

不測者神也有形者獸也此既以神為天吳而

又曰其為獸是兩其辭也然則天吳當為水神

惟不論矣

青丘國在其北其人食五穀衣絲帛其狐四足九尾一曰在

朝陽北汲郡竹書曰柏行子征于東海及三壽得一狐九尾即此類也

青丘出九尾狐蓋常也亦足書乎然有德則祥

應不然則否

帝命豎亥步自東極至于西極五億十選豎亥健行人選

萬也九千八百步豎亥右手把筭左手指青丘北一

曰禹令豎亥一曰五億十萬九千八百步詩舍神霧曰天

地東西二億三萬三千里南北二億一千五百里天地相去一億五萬里

此所謂帝或當為禹天豈有命豎亥步地之理

黑齒國在其北東夷傳曰倭國東四十餘里有裸國裸國東南有黑齒國船行一年

可至也黑物志云西為人黑食稻啖蛇一赤一青

一作一在其傍一曰在豎亥北為人黑手食稻使

蛇其一蛇赤下有湯谷谷中水湯谷上有扶桑扶桑

木也十日所浴在黑齒北居水中有大木九日居下

枝一日居上枝莊周云昔者十日並出草木焦枯

其九日日中烏盡死離騷所謂羿焉畢日鳥焉落

羽者也歸藏鄭母經云昔者羿善射畢十日果畢

之汲郡竹書曰胤甲即位居西河有妖孽十日並

出明此自然之異有自來矣傳曰天有十日日日之

數十此云九日居下枝一日居上枝大荒經人云

一日方至一日方出明天地雖有十日自使以次

第迭出運照而今俱見為天下妖災故羿稟堯之

命洞其靈誠仰天控弦而九日潛退也假令器用

可以激水烈火精感可以降霜回景然則羿之鑠

明雜而斃陽烏未足為難也若搜之常情則無理

以然推之以數則無往不通達觀之客宜領

其玄致歸之冥會則逸義無滯言奇不廢矣

雨師雨師謂屏翳也妾在其北其為人黑兩手各操一蛇左耳

有青蛇右耳有赤蛇一日在十日北為人黑身人

面各操一龜

東日所由出考之虞書堯命羲和湯谷當為暘谷若乃十日之說吾恐其舛也夫陰陽必相須有十日必有十月則其數二十矣而有是理與况奇偶陰陽之正也陽而數十是偶也非奇也而有是理與

玄股之國在其北解以下盡其為人衣魚以魚皮為衣也

食驅驅水鳥也使兩鳥夾之一曰在雨師妾北

陰陽氣也氣蒸而雨常也而有雨師乎雨師可也而有妾乎

毛民之國在其北為人身生毛今去臨海郡東南二千里有毛人在

大海州島上為人短小而體盡有毛如猪能穴居無衣服晉永嘉四年吳郡司鹽都尉冉逢在海邊得一船上男女四人伏皆如此言語不通送詣丞相府木至道死唯有一人在上賜之婦生子出入市井漸曉人語自說其所在是毛民也大荒經云毛民食黍者是矣一曰在玄股北

郭氏以毛人在大海洲島面體盡有毛如猪穴居無衣服審若是則亦山海異物而可為國哉

勞民國在其北其為人黑食果草實也有一鳥兩頭或曰教民

一曰在毛民北為人面目手足盡黑

五方風氣既殊則物感而異其形色無怪也慶

嘗僉廉訪于江西見中官所蓄一人色甚黑盖

亦得之外國由今觀之勞民之國有之矣

東方勾芒鳥身人面乘兩龍木神也方面素服

德上帝使勾芒使之壽十九年

勾芒木神今迎春立芒神有據也然芒神類人

而俊秀此曰鳥身人面異乎吾所聞矣

山海經釋義卷之十

海內南經第十

海內東南陬以西者從南頭起之也

郭氏所謂從南頭起之也雖然以道論當合內

外以勢論先內而後外然則既海外而又海內

是由外而內乎

甌居海中今臨海司寧縣即閩在海中其西北山

國越即西嶽今延安一曰閩中山在海中

三天子鄩山在閩西海北今在新安歙縣東今謂之三王山中江出其邊

也張氏土地記曰東陽永康縣南四里有石城一山二有小石城云黃帝曾遊此即三天子都也

曰在海中

桂林八樹在番隅東八樹而成枝信其大也番隅今番隅縣

以東南地勢觀閩今所謂福建番隅今所謂廣

東

伯慮國未詳離耳國鍤離其耳分令下垂以為飾即儋耳也在朱崖海渚中不食五

穀但噉咩彫題國點涅其面畫體北胸音劬國未詳

在鬱水南鬱水出湘陵南海一曰相慮

自伯慮至北胸凡四國皆在鬱水之南

梟陽國在北朐之西其為人人面長唇黑身有毛

反踵見人笑亦笑左手操管周書曰州靡髣髴者人身反踵自笑笑則

上唇掩其面爾雅云髣髴大傳曰周書成王時州靡國在之海內經謂之顛臣人今交州南康郡人

山中皆有此物也長文許脚跟反向健走被髮好笑雌者能作汁酒中人即病土俗呼為山都南康

今有顛水以存此人因以名水猶大荒說地有域人人因號其山為域山亦此類也

兕在舜葬東湘水南其狀如牛蒼黑一角

湘水南今廣西

蒼梧之山帝舜葬于陽即九疑山也禮記亦曰舜葬蒼梧之野帝丹

朱葬于陰今丹陽復有丹朱家也竹書亦曰后移放帝朱于丹水與此義符丹朱稱帝者

猶漢山陽公死加獻帝之諡也

書虞賓在位即丹朱丹朱後封于虞今河南虞

城審如是又不當從舜而葬蒼梧之陰

汜林方三百里在徃徃東或作猩猩字同耳徃徃知人名

其為獸如豕而人面周書曰鄭郭徃徃者狀如黃狗而人面頭如雄雞食之不

睽今交州封溪出徃徃土俗人說云狀如豚而後似狗聲如小兒啼也在舜葬西徃

徃西北有犀牛其狀如牛而黑犀牛似水牛猪頭在徃徃知人名之

西北庫脚三角

夏后啓之臣曰孟涂是司神于巴人聽其獄訟請為之神主

訟于孟涂之所令斷也其衣有血者乃執之不直者則血見

于衣是請生言好生也居山上在丹山西丹山在丹陽南

丹陽居屬也今建平郡丹陽城秭歸縣東七里即孟涂所居也

孟涂生未嘗有功于巴蜀其卒也如之何司神

于巴人且曰其衣有血者執之是鬼神之降與

抑訟者之自為與

窳窳龍首居弱水中在狺狺知人名之西其狀如

龍首食人窳窳本蛇身人面為貳負臣所殺復化而成此物也有木其狀如

牛河圖玉版說芝草樹生或如車馬或如龍蛇之狀亦此類也引之有皮若纓

黃蛇言牽之皮剥如人冠纓及黃蛇狀也其葉如羅如綾羅也其實如藥

藥木名或作卵或作麻黃本赤枝青葉生雲雨山其木若藎藎亦木名未詳其名

曰建木在窳窳西弱水上建木青葉紫莖黑花黃實其下聲無響立無影也

窳窳郭氏以為蛇身人面貳負臣所殺復化為

此物嗟乎窳窳既殺而又化有是理否凡書中

稱化大率出于佛氏如所謂如來法身報身及

化身云者後世理學湮塞宜邪說之熾

氏音觸抵人國在建木西其為人面而魚身無

之抵

氏

足盡胸以上人胸以下魚也

氏人果有之當亦在異物之列而以爲國是進之也

巴蛇食象三歲而出其骨君子服之無心腹之疾

今南方柁蛇吞鹿鹿已爛自絞于樹腹中骨皆穿鱗甲間出此其類也楚詞曰有蛇吞象厥大何如說者云其爲蛇青黃赤黑一曰黑蛇青首在犀牛長千尋

西

巴蛇吞象恐亦傳者之過至謂君子服之無心腹之疾尤爲近誣物豈有食之三歲而後出骨

者則鯨魚千里非與曰海有大魚山有大蛇固

也然未必若傳者之過

旄馬其狀如馬四節有毛

穆天子傳所謂毫馬者亦有旄牛

在巴

蛇西北高山南

匈奴一曰儉狁開題之國列人之國並在西北

三國並在旄馬

北西

匈奴今北狄虜人曰並在西北總論三國皆西

北與

山海經釋義卷之十

山海經釋義卷之十一

海內西經第十一

海內西南陬以北者

貳負之臣曰危危與貳負殺窳窳帝乃梏之疏屬

之山

梏猶繫縛也

桎其右足

桎械也

反縛兩手與髮

并髮合縛

也繫之山上木在開題西北

漢宣帝使人上郡發

徒裸被髮反縛械一足以問群臣莫能知劉子政

按此言對之宣帝大驚於是時人爭學山海經矣

論者多以爲是其尸象非也意者以靈怪變化論難以理測物稟異氣推不可以近數揆矣魏時

殉女子不死生數日也恒在左右十餘年大后崩比女哀思哭之

貳負殺窳窳恐終屬荒唐夫福善禍淫天之道

也各以類應非上帝自爲而臨之也及縛桎足

之說吾終疑焉

大澤方百里群鳥所生及所解

百鳥於此生乳解之毛羽

在鴈

門北鴈門山鴈出其間在高柳北

今晉地代州有鴈門關豈卽是乎

后稷之葬山水環之

在廣都之野

在氏國西

觀后稷之葬山水環之所謂西望大澤后稷所

潛無論矣

流黃艷氏之國中

言國城內

方三百里

塗中

有山在后稷葬西

流沙出中山西行又南行崑崙之墟西南入海黑

水之山

今西海居其澤尚書所謂流沙者形如月生五日也

東胡在大澤東

夷人在東胡東

貂國在漢水東北

今扶餘國即濊貂故地在長城北去玄菟千里出名馬赤玉貂

皮大珠如酸棗也

地近于燕滅之

凡四夷總而論之曰東夷西戎南蠻北狄北所

謂東胡又曰夷人恐指大澤之東北

孟鳥

亦鳥名也

在貂國東北其鳥文赤黃青東鄉

孟鳥上無所因而獨當紀事之一意其群聚若

犬國與

海內崑崙之墟

言海內者明海外復有崑崙山

在西北帝之下都

崑崙之墟方八百里高萬仞

皆謂其墟基廣輪之高庫耳自此以上二

千五百餘里上有醴泉華池夫嵩高五萬里蓋天地之中也見禹本紀

上有木禾長

五尋大五圍

木禾谷類也生黑水之河可食見穆天子傳

面有九井以

玉為檻檻面有九門門有開明獸守之百神之所

在在八隅之巖在巖問也赤水之際非仁羿莫能上岡

之巖言非仁人反有才藝如羿者不能得登此山岡嶺巉巖也羿嘗請藥西王母亦言其得

道也羿一或作聖

此郭氏所謂海內崑崙海外崑崙者也吾疑其重出恐非有二崑崙也

赤水出東南隅以行其東北西南流注南海厭火

東河水出東北隅以行其北西南又入渤海又出

海外即西而北入禹所導積石山禹治水復決疏出之故云導河

積石

物莫能外五行如赤水黑水之類

洋音翔水黑水出西北隅以東東行又東北南入海

羽民南

弱水青水出西南隅以東又北又西南過畢方鳥

東西域傳鳥弋國去長安萬五千餘里西行可百餘日至條枝國臨西海長老傳聞有弱水西王

母云東夷傳亦曰長城外數千里亦有弱水皆所未見也淮南子云弱水出窮石窮石今之西郡那

并蓋其派別之源耳

崑崙南淵深三百仞靈淵開明獸身大類虎而九首

皆人面東嚮立崑崙上天獸也銘曰開明為獸稟資乾精瞪視崑崙威振百

靈
開明之獸若是其諸異乎毛蟲矣東嚮而立何為者與

開明西有鳳凰鸞鳥皆戴蛇踐蛇膺有赤蛇

凡天地間氣有天祥各以類附然則鸞鳳祥鳥也蛇戾蟲也而盤旋于鸞鳳豈其類哉不然和氣薰蒸有以致蛇之馴耳

開明北有視肉珠樹文玉樹五彩珎琪樹

天天璽元年臨海郡史伍驩在海水際得石樹高尺餘莖葉紫色詰曲傾靡有元彩即玉樹之類也不死樹言長生也鳳凰鸞鳥皆戴音戈又有離朱

木禾栢樹甘水即醴泉也聖木食之令人智聖也曼兌未詳一曰

挺木牙交淮南作璇衡璇玉類也

夫有生必有死道之恒也而有不死樹邪仲尼以上智下愚不移謂其性之定也借使食聖木而智聖則是自堯舜而周孔皆嘗食是木與

開明東有巫彭巫抵巫陽巫履巫凡巫相皆神醫也世本

曰巫彭作醫楚詞曰帝告巫陽夾窳窳之尸皆操不死之藥以距

之為距却死窳窳者蛇身人面貳負臣所殺也

氣求更生巫彭以下郭氏以為皆神醫夫以開明之東而

何神醫若是多借有之醫治病不治死豈有夾

其藥以治之者哉况窳窳一異物能致

神醫而獨不能救無是理審矣

服常樹其上有三頭人伺琅玕樹服常木未詳琅玕子似珠爾雅

曰西北之美者有崑崙之琅玕焉莊周曰有人三頭遞卧遞起以伺琅玕與玕琪子謂此人也

郭氏引莊周有人三頭遞卧遞起以伺琅玕之

說是以怪而明怪不知莊生多寓言

開明南有樹鳥六首蛟蛟似蛇匹脚龍類也蝮蛇蝮豹鳥秩

樹木名未詳於表池樹木言列樹以表池即華池也誦鳥鳥名形未詳鷦

音荀鷦也穆天子傳曰爰有白鷦青鷦視肉

山海經釋義卷之十一

山海經釋義卷之十二

海內北經第十二

海內西北陬以東者

蛇巫之山上有人操杯

或作楮字同

而東向立一曰龜

山西王母梯几

梯謂憑也

而戴勝杖其南有三青鳥為

西王母取食

又有三足鳥主給使

在崑崙墟北有人曰大行

伯把戈其東有犬封國

昔盤瓠殺戎王高辛以美女妻之不可以訓乃浮之

會稽東海中得三百里地封之生男為狗女為美人是為狗封之國也

貳負之尸在

大行伯東

青鳥為王母取食重出郭氏又謂有三足鳥主

給使恐亦無據

犬封國曰犬戎國狀如犬

黃帝之後十明生白犬二頭自相牝牡遂為此

國言狗國也

有一女子方跪進杯食

與酒也

有文馬縞身

色白如縞

朱鬣目若黃金名曰吉量

一作良

乘之壽千歲

周書曰犬戎文馬赤鬣白身目若黃金名曰吉黃之乘成王時獻之六韜曰文身朱鬣眼若黃金項

若雞尾名曰雞斯之乘大傳曰駿身朱鬣雞目山海經亦有吉黃之乘壽千歲者惟名有不同說有

小錯其實一物耳今將舉之以廣異聞也

此所謂犬戎即書所謂殺幽王者

鬼國在貳負之尸北為物人面而一目一曰貳負
神在其東為物人面蛇身

國以鬼名將無妄與故載鬼一車者妄也雖然
鬼之為辭二以其為陰之靈與則彼固顯然物
也謂其反而歸與則人面蛇身固在也故鬼國
之稱妄也或曰易稱伐鬼方即此

蚺

音陶或作蚺音鉤

大如犬青食人從首始

凡獸之相食視朔望以為準朔以後食首望以
後食下體今猫之食鼠亦然此蚺大食人從首

豈其又異者與

窮奇狀如虎有翼

毛如

食人從首始所食被髮在

蚺大北一曰從足

帝堯臺帝嚳臺帝丹朱臺帝舜臺各二臺臺四方

在崑崙東北

此蓋天子巡狩所經過夷狄慕聖人恩德輒共為築立臺觀以標題其遺

跡也一本云所殺相柳地腥臊不可種五谷以為眾帝之臺

丹朱未嘗為帝安得稱帝丹朱臺

大蠶其狀如螽朱蛾其狀如蛾

蛾蛆蟬也楚詞曰玄蜂如壺赤蛾如

象謂此也

言釋曰... 卷十一... 三六
蟠音其為人虎文脛有啓言脚有在窮竒東一曰

狀如人崑崙虛比所有此同上

關音非人面而獸身青色

據比一云之尸其為人折頸被髮無一手

既以為尸而又曰人是其辭自乖義不待闢矣

若夫異狀則或亦有之

環拘其為人獸首人身一曰蝟狀如狗黃色

袼即魅也其為物人身黑首從目

戎其為人人首三角

林氏國有珍獸大若虎五彩畢具尾長于身名曰

騶吾乘之日行千里六韜云紂囚文王闕天之徒

大悅乃釋之周書曰夾林酋耳酋耳若虎尾

此以二紀異物異人也其書法頗類裸蟲錄

崑崙虛南所有汎林方三百里

從極之淵深三百仞維冰夷恒都焉冰夷馬夷也

得道以潛大川即河伯也穆天子傳所謂水夷人

面乘兩龍畫四面各乘一曰忠極之淵陽汙之山

河出其中凌門之山河出其中皆河之枝源

所出之處也

王子夜之尸兩手兩股胸首齒皆斷異處此蓋形解而神

連貌乖而氣合合不為密離不為踈

郭氏以為形解而神連貌乖而氣合然則子夜

之尸怪乎曰氣聚則生而為物散則遊而為變

豈有四體異處而可為物者乎異哉景純

舜妻登比氏生宵明燭光即二女字也以處河大

澤澤河邊二女之靈能照此所方百里言二女神

者方一曰登北氏

宵明燭光蓋登比氏所生者之字非有異義乃

以一女之靈能照百里其事鑿矣

蓋國在鉅燕南倭北倭屬燕倭國在帶方東大海

紵衣服無針功以丹朱塗身不妬忌一男子數十婦也

朝鮮在列陽東海北山南列陽屬燕朝鮮今樂浪

也列亦水名也今在帶方澤方有列口縣

朝鮮箕子所封我

大明稱臣入貢稱高麗國云慶戊辰進士京師

見其使臣皆冠帶而朴野縉紳與之語不甚解

或畫字於地以相通箕子之遺教於是乎驗

列姑射在海河洲中

山名也山有神人河洲在海中河水所經者莊子所謂藐

姑射之山也

姑射國在海中屬列姑射西南山環之大蟹在海

中蓋千里之蟹也

蟹之大者未必千里郭氏何據

陵魚人面手足魚身在海中

大鯁音鞭即魴魚也居海中

明組邑居海中

蓬萊山在海中

上有仙人宮室皆以金玉為之鳥獸盡白瑩之如雲在渤海中也

大人之市在海中

今登州海中有大小竹山及田室諸島且其屬

邑曰蓬萊即此至于海市之說則又登州為著

豈以大人之市在海中者轉相傳故與此吾海

市辯所由作也

山海經釋義卷之十二

山海經釋義卷之十三

海內東經第十三

海內東北陬以南者

鉅燕在東北陬

國在流沙中者埵

音敦

端璽喚

音喚或敦繭喚

在崑崙墟東

南一曰海內之郡不為郡縣在流沙中

埵端璽喚疑即國之在流沙者其曰不為郡縣

猶今所謂無為州

國在流沙外者大夏

大夏國城方二二百里分為數十國地和溫宜五穀堅

沙居繇音遙月支之國

月支國多好馬美果有大尾羊如驢尾即臧羊也小月支

天竺國皆附庸云

大夏至月支皆國之在流沙外者然地里荒遠

得其境土不可居得其人民不可用為國者無

事遠畧焉

西胡白玉山在大夏東蒼梧在白玉山西南皆在

流沙西崑崙墟東南崑崙山在西胡西皆在西北

地里志崑崙山在臨羌西又有西王母祠也

崑崙墟以其餘地而言崑崙山方指其本山而

言

雷澤中有雷神龍身而人頭鼓其腹在吳西今城陽有

克冢靈臺雷澤在此也河圖曰大迹在壘澤華胥履之而生伏羲

此即夏書雷夏既澤夫雷澤之有靈物固川澤

之恒也而以爲鼓其腹則雷是未免臆說矣凡

天地間有聲皆陽也雷氣之震而迅烈者也不

然雷行于天皆神鼓其腹邪

都州在海中一曰郁州今在東海胸縣東世傳此山自蒼梧從南徙來上皆

有南方物也

慶觀地圖見海中列國如日本琉球皆海中國

也今廣之瓊州吳之崇明皆在海中所謂澤國

琅琊臺在渤海間琅琊之東今琅琊在海邊有山嶠燒特起狀如高臺

此即琅琊臺也琅琊者越王勾踐入霸中國之所都其北有山一曰在海間

韓鴈在海中都州南

此所謂韓鴈疑即今之遼東

始鳩國名或曰鳥名也在海中轅厲南

郭氏既以始鳩爲國名又以爲鳥名何其持兩

端也夫據文會理上皆書列國豈至此獨以一

鳥叅乎當以國爲是

會稽山在大楚南岷三江首

會稽山重出

大江出汶山

今江出汶山郡升遷縣岷山東南經蜀郡捷爲至江陽東北經巴東建平

宜都南郡江夏弋陽安豐至廬江南北江出曼山界東北經淮南下邳至廣陵郡入海

南江出高山高

城都西入海在長州南

浙江出三天子都在其東

按地理志浙江出新安縣南蠻中東入海今

錢塘浙江是也夥卽歛也

在閩西北入海餘暨南

餘暨縣屬會稽今爲永興

江水一也自北而出曰北江自南而出曰南江

此曰浙江今杭州諸郡其曰三天子都蓋指禹

會諸侯于會稽及宋高宗南渡臨安云耳要亦

侈大之辭

廬江出三天子都入江彭澤西

彭澤今彭蠡也一在潯陽彭澤縣

曰天子鄣

淮水出餘山餘山在朝陽東義鄉西入海淮浦北

今淮水出義陽平氏縣桐栢山山東北經汝南汝陰淮南譙國下邳至廣陵縣入海朝陽縣今屬新野

此以上著江水淮水之所自出餘放此

湘水出舜葬東南陬西環之環繞也今湘水出零陵營道縣陽湖山入

江入洞庭下洞庭地穴也在長沙巴陵今吳縣南大湖中有包山下有洞庭穴道替行

水底云無所不一曰東南西澤通號為地脉

漢水出鮒魚之山書曰蟠冢導漾東流為漢按水出武都沮縣東狼谷經

漢中魏興至南鄉東經襄陽至江夏安陸縣入江別為沔水又為滄浪之水帝顓頊葬

于陽九嬪葬于陰四蛇衛之言有四蛇衛守山下

吾澶舊志以鮒魚山附帝丘蓋泥顓頊之有冢

于郡故噫世之訛傳者多矣不有君子其何所

極

濛水出漢陽西入江聶陽西漢陽縣屬朱提

溫水出崆峒山在臨汾南入河華陽北今溫水在京兆陰盤

縣水常溫也臨汾縣屬平陽

溫水郭氏以為在京兆水常溫然溫水疑即溫

泉

潁水出少室少室山在雍氏南入淮西鄆北今潁水出

河南陽城縣乾山東南經潁川汝陰至淮南下蔡入淮鄆今鄆陵縣屬潁川一曰緱音鈞

氏縣屬河南

汝水出天息山在梁勉鄉西南入淮極西北今汝水出

南陽魯陽縣大孟山東北至河南梁縣東南經一

日淮在期思北期思縣屬弋陽

涇水出長城北山在郁郅音長垣北皆縣名也北入

渭戲北今涇水出安定朝那縣西并頭山東南經新平扶風至京兆高陵縣入渭戲地名今

新豐縣也

渭水出鳥鼠同穴山東注河入華陰北鳥鼠同穴山今在隴

西首陽縣渭水出其東經南安天水略陽扶風始平京兆弘農華陰縣入河

鳥鼠疑亦物之異種同處一穴相馴而不相忌

耳郭以為山在隴西

白水出蜀而東南注江色微白濁今在梓潼白水縣綠從臨洮之西西傾山

來經杏中東流通陰平至漢壽縣入潛入江州城下江州縣屬巴郡

沅水山出象郡鐔城西象郡今曰南也鐔城縣今屬武陵入東注

江入下雋西下雋縣今屬長沙音昨究反合洞庭中水經曰沅水出牂牁

且蘭縣又東北至鐔城縣為沅水又東過臨沅縣南又東至長沙下雋縣

贛水出聶都東山今贛水出南康南野縣西北東北注江入彭

澤西泗水出吳東北而南西南過湖陵西而東南

注東海入淮陰北今泗水出魯國下縣西南至平胡陸縣東南經沛國彭城下

注澤山海經 卷十三 三十三 九二、十九字 大業

至臨淮下
相縣入淮

鬱水出象郡而西南注南入須陵東南

肄水出臨晉西南而東南注海入番禺西番禺縣屬南海

越之城下也

潢水出桂陽西北山東南注肄水入敦浦西

洛水出洛西山東北注河入成臯之西書云導洛自熊耳按

水經洛水今出上洛冢嶺山東北經弘農至河南鞏縣入河成臯縣亦屬河南也

汾水出上窳北而西南注河入皮氏南今汾水出太原晉陽

故汾陽縣東南南經晉陽西南經西河平陽至河東汾陰人河皮氏縣屬平陽

沁水出并陘山東東南注河入懷東南懷縣屬河內河內北

有井陘山

濟水出共音恭山南東丘絕鉅鹿澤絕猶截度也鉅鹿今在高平

注渤海入齊琅槐東北今濟水自滎陽卷縣東經陳留至潛陰北東北至高平

平東北經濟南至樂安博昌縣入海今碣石也諸水所出又與水經違錯以為凡山川或有同名而異實或同實而異名或一實而數名似是而非非而是且歷代久遠古今變易語有楚夏名號不同未得詳也

遼水出衛臯東出塞外衛臯山玄菟高句驪縣有遼山小遼水所出西河注大遼

東南注渤海入遼陽遼陽縣屬遼東

厚施水出晉陽城南而西至陽曲北而東注渤海

經河間樂城東北注渤海入越章武北

章武郡名

漳水出山陽東東注渤海入章武南

新城汴陰縣亦有漳水

自湘漢濛汝洛濟滌漳皆紀水之發源及其歸

宿夫充塞無間者氣也知氣之無間則知水之

無間矣凡水歲地中則渾然一物及其發于山

上則隨地而名要之非有二也然則夫子川上

之歎孟子觀水之喻有以夫

山海經釋義卷之十三

程